

彭澤縣志卷之十七

藝文三 詩

詩

咏彭澤諸篇

勸農

晉陶淵明

悠悠上古厥初生人傲然自足抱樸含真智巧既萌資待靡因誰其贍之實賴哲人

哲人伊何時為后稷贍之伊何實曰播殖舜既躬耕禹亦稼穡遠若周典八政始食

熙熙合音猗猗原陸卉木繁榮和風清穆紛紛士女趨時競逐桑婦宵征農夫野宿

彭澤縣志

卷之十七

詩

一

氣節易過和澤難久冀缺攜儷沮溺結耦相彼賢達猶勤隴畝矧伊衆庶曳裾拱手

民生在勤勤則不匱宴安自逸歲暮奚冀擔石不儲饑寒交至顧爾儔列能不懷愧

孔耽道德樊須是鄙董樂琴書田園不履若能超然投迹高軌敢不歛衽敬讚德美

還舊居

陶淵明

疇昔家上京六載去還歸

韓子蒼云淵明自庚子始作建威參軍由參軍為彭澤令遂棄

官歸是歲之已故云六載

今日始復來惻愴多所悲阡陌不移舊邑屋

或時非履歷周故居鄰老罕復遺步步尋往迹有處特依依流幻百年中寒暑日相推常恐大化盡氣力不及衰撥



道且莫念一觴聊可揮

歸田園

陶淵明

少無適俗韻性本愛邱山誤落塵網中一去三十年羈鳥
戀舊林池魚思故淵開荒南野際守拙歸園田方宅十餘
畝草屋八九間榆柳廕後園桃李羅堂前曖曖遠人村依
依墟里烟狗吠深巷中雞鳴桑樹巔戶庭無塵雜虛室有
餘閒久在樊籠裏復得返自然

題彭澤盧明府新樓

唐張祐

碧落新樓迥清池古樹間先賢盡爲宰空看縣南山

荆門送晝公歸彭澤舊居

齊已

彭澤舊居在匡廬翠疊前因思從楚寺便附入吳船岸繞

彭澤縣志

卷之十七

詩

二

春殘樹江浮曉霽天應過虎溪社伫立想諸賢

憶別匡山寄彭澤乾書上人

憶別匡山日無端是遠遊却回看五老翻悔上孤舟踏蹬

三千里蹉跎二十秋近來空寄夢時到虎溪頭

彭澤

汪遵

鶴愛孤松雲愛山宦情微祿免相關栽成五柳吟歸去漉

酒巾邊伴菊閑

舟次彭澤

李中

飄泛經彭澤扁舟思莫窮無人秋浪晚一片蓼花風鄉里
夢漸遠交親書未通今宵見圓月難坐冷光中

奉命南使經彭澤

值王明府不在留此

徐鉉

遠使程途未一分
離心常要醉醺醺
那堪彭澤門前立
黃菊蕭疎不見君

過彭澤

宋 王十朋

萬里歸舟巨浪間
只將青眼對青山
青山好處惟彭澤
出岫雲歸倦鳥還

彭澤阻風 二十八韻

明 劉基

風急雲飛江倒流
請君聊且駐蘭舟
浪翻彭蠡蛟螭橫
雲壓匡廬虎豹幽
懷古漫尋元亮菊
望鄉空倚仲宣樓
五更歸夢三千里
一日迴腸九萬週
嘯侶山棲憐野鹿
伴人水宿感沙鷗
中元都府神官會
上界星辰積氣浮
地軸西南連少昊
天關東北鎮陽侯
兩峯對擁青螺髻
孤月初生白

彭澤縣志

卷之十七 詩

三

玉鈎龍甲冷欺猙
蜃市蚌胎光奪睡
龍眸春撞急杵濤
驚枕滴瀝眞珠霰
灑凋松樹掛崖眠
復起老藤牽石墜
還留宮商調合靈
鐘夕銚鏐陵高峭
壁秋繡被焚香寒
悄悄金環扣瑟夜
悠悠竹枝寫恨傳
巴女木客長吟答
楚囚不寐殘缸猶
閃爍動情鳴櫓數
啞嘔蒼梧鳳逐重
華去赤水珠無象
罔求大宅高門荒
町疃頽垣敗冢鬪
鴝鵒塵埃漠漠城
笳怨蘆荻蕭蕭戍
鼓愁鬼火碧穿燈
火出狼烟黃入燒
烟道紫芝可茹林
多蟒紅鯉堪嘗澤
有虬萬國鋤犁俱
劔戟八陵松柏讓
戈矛哀哀野哭乾
坤慘踽踽途行面
目魏永憶盧敖翔
汗漫願隨慧遠學
清修瑤臺青鳥歸
何處宮圃琪華爛
莫收滄海未容精
衛塞蓬萊定許僊
伶遊故園

梅蓋相將發倚賴春陽慰白頭

過彭澤

周叙

我行過彭澤吊古心悠然寥寥千載上相繼惟二賢陶公昔佩印八旬賦歸田易姓不復仕甲子以紀年狄公在當時忤旨來左遷一朝復唐祚忠義白日懸二賢去世遠光價照簡編豈無繼承者胡乃寂不傳吁嗟世之人才行真難全題詩懷往躅事業當勉旃

解 縉

青山圍一縣隱隱見人家亂石江邊出孤帆帶日斜翠漆官舍柳香泛驛樓花不見陶彭澤湓城起暮鴉

送於掌故可成宰彭澤

湯顯祖

彭澤縣志

卷之十七

詩

四

香爐晴色映江關鹿洞花深講席閑望氣可能逢合尹折腰須是向人間經知彭澤天多水坐厭平昌月滿山向後登高一壺酒不知叢菊幾回斑

宿彭澤

沈 起

帆影收南岸江聲斷不流秋高彭蠡澤雁下荻蘆洲一水天無際千山月上頭墟烟人語雜鄉思倍悠悠

經彭澤

吳甘來

亦有東籬菊何人尙隱居夕陽催進艇殘夜擬焚魚物變看多異名高謗未除懷歸無長物猶有一牀書

過彭澤

何 寬

壯矣古名邑南依江水濱一峯界吳楚萬頃濯星辰城掛

層阿日山園老樹春寒裳聊問俗陶狄是何人

夏寅

稀疎官吏立沙迎一段青山二里城彭澤到今更幾令縣人開口說淵明

胡子祺

山郭蕭條楚水濱數家茅屋自爲隣梁公祠下斜陽暮陶令門前五柳春當日賦歸非爲酒此時懷古益沾巾千年惟有柴桑月曾照羲皇以上人

湖口登舟望見彭澤志喜

曾省吾

樓船東指海門灣遙望龍城控楚關浴日長波原九派擎天砥柱有孤山風雲自護朝宗地民物猶存漢晉間二百餘年經故國可勝翹首一開顏

彭澤縣志

卷之十七詩

五

將出彭澤感懷寄任昆州葉江州二別駕兼示族人
憶昔邁天造真人起濠梁長鯨蕩彭蠡西征越潯陽我祖從飛龍分隸忠武王江漢一以清移根託郢邦去日旣已遠世懷梓與桑不圖荷休明陪京總臺章於焉棹洪波因之覽舊疆舊疆佳山水古墓何淒涼幸有賢主人署邑仁風揚貞心貫金石幽泉睹三光相逢吳中彥意氣殊激昂詠歌出德聲此誼安可忘借問我宗族此來何所當人心倘不滅修先慎蒸嘗

去彭澤

國朝劉進

頭點扁舟緩整裝去來何必論行藏莫將世態爲交態應

識官場是戲場彭蠡江頭春未老長安道上日初長無錢
令尹君知否倒篋惟餘翰墨香

通邑贈有詩集名懷清錄

彭澤懷古

陳夢麟

山圍江上幾千家天衛金城壯虎牙照獄自有唐日月烘
籬猶是晉烟霞數朝市變無歸鶴萬古春深有落花名繼
前賢方不朽滿城簫鼓在繁華

之任上高留別邑紳士

華西植

龍城森秀鬱蒼烟天矯凌空氣接天到處樓臺依翠壁千
家竹樹遶流泉民風淳朴衣冠古吏隱優游案牘閒江上
最憐雲物好小姑鬢佩正清妍

寒梅衝雪到江頭金井雙梧欲報秋彈指半年成浪迹虛

彭澤縣志

卷之十七 詩

六

糜五斗愧前修梁公祠下風雲壯元亮門前松菊幽僕僕
車塵又南去驪歌聲裏一遲留

彭澤縣

聶銑敏

汶邊遙隱屋西東內外城分一嶺中却羨淵明歸去好至
今地望屬陶公

雨中過彭澤

王文治

好山偏向雨中過侵曉推篷出碧蘿彭澤人家在雲霧小
姑宮殿鎖煙波峰當絕處疑鑿削景到佳時辨剎那元亮
若非嫌束帶此間少住意如何

留別彭澤

朱坦

六載瀘陽耐冷官樂城假令偶彈冠宦情恬淡言歸易衆

庶孽依話別難曾以催科煩里老重勞載酒餞江干他
尚有淹留意夾岸春耕仔細看

龍城竹枝詞

李天英

清聲遠上海門關九派江流去不還兩岸人家春樹外縣
城斜對小孤山

諫草煇煇達帝居班班玉筍百年餘而今猶見流風在十
戶人家九讀書

銅鼓喧闐鶴皎騰鳳凰山上月初升採茶歌罷東風起吹
出鰲山太子燈

社壇分肉醉顏酡社酒沉沉社話多盡說去年好菜麥不
知今歲又如何

彭澤縣志

卷之十七 詩

七

東林西舍任招呼各插腰鎌過小孤相約明朝打草去趁
他春水未平湖

家家新飼馬頭孃十五女兒學採桑浴得土蠶护繭重他
年添作嫁衣裳

垂柳垂楊繞屋斜客來蒸菜味偏嘉殘春若肯過寒舍更
喫河豚煮荻芽

火前忙殺野人家姑摘粗枝婦摘芽吩咐奶儂盡載去一
升稻子一升茶

一路煙村布穀鳴家家打麥趁新晴山南山北黃雲亂滿
耳彭彭白白聲

不欠是神仙大麥纔收又種棉好在隣家新酒熟三

三五五叠猜拳

五月鱗魚不上竿
網船鱗次白楊灘
北風一夜吹潮過
先到琴堂獻宰官

臺閣兒童別樣新
先期灑道更清塵
一聲簫鼓人如市
知是城隍又出巡

木棉如雪滿江鄉
一歲能儲兩歲糧
共道近來花價好
明朝蘇客又開裝

蕎麥花開蟹正肥
黃蘆江上漸飛飛
我儂好向方湖去
捕得尖團糴米歸

大家臘八煮新粥
黑豆鹽漿盛一盂
繞膝小兒啼索母
先翁供過又先姑

彭澤縣志

卷之十七 詩

八

狄公祠外白雲橫
一樹茶花凋復生
上巳重陽雨時節
如何人不祭淵明

官橋數里柳花香
煙雨茫茫綠萬行
陶令歸來誰種得
至今猶念李公棠

咏陶狄諸篇

題陶靖節祠

唐顏真卿

嗚呼陶淵明
奕葉為晉臣
自以公相後
每懷宗國屯
手持山海經
頭帶漉酒巾
題詩庚子歲
自謂我皇人

宿舊治懷陶公

孟郊

揚帆過彭澤
舟人訝歎息
不見西陵人
猶疑定教歷

宿舊治懷陶令

朱黃庭堅

潛魚願深渺淵明無由逃彭澤當此時沉冥一世豪司馬
寒如灰禮樂卯金刀歲晚以字行更始號元亮淒其望諸
葛骯髒猶漢相時無益州牧指揮用諸將平生立朝心歲
月閱江浪空餘詩語工落筆九天上向來非無人此友獨
可尙屬予剛制酒無用酌杯盞欲招千載魂斯文或宜當

朱 燾

王十朋

彭澤縣志

卷之十七

詩

九

瀟灑風姿太絕塵寓形宇內任天真絃歌只用八十日便
作田園歸去人

出守江湖日念還又扶衰病入巴山不能早遂歸田計愧
過淵明五柳灣

陶淵明祠

謝幼槃

淵明歸去海陽曲藜杖蒲鞋巾一帽陰陰老樹嘯黃鸝艷
艷東籬綻霜菊世紛無盡過眼空生事不豐隨意足廟堂
之姿老蓬華環堵蕭條僅容膝大兒頑鈍懶詩書小兒嬌
痴愛梨栗老妻日暮荷鋤歸欣然一笑共蠅室我詩未遣
愁肝腎醉裏呼童供紙筆時時得句輒寫之五言平淡用
律田家酒熟夜打門頭上自有漉酒巾老農時問桑麻

長提壺挈榼來相親一樽徑醉乳窗下蕭然自謂羲皇人
此公聞道窮亦樂容貌不枯似丹崖儒林紛紛隨溷濁山
林高義久寂寞假令九原今可作饗公籃輿也不惡

題陶淵明歸去來圖

金王虛若

拋卻微官百自由應無一字掛心頭銷憂更藉琴書力借
問先生有底憂

名利醉心濃似酒貪夫袞袞死紅塵折腰不樂翻然去此
老猶爲千載人

淵明祠

劉迎

筆頭奇處發天藏事遠懷人涕泗滂餘子風流空魏晉上
人談笑自羲皇折腰五斗幾錢直去國十年三徑荒安得

彭澤縣志

卷之十七

詩

十

一堂重寫照爲公挂酒瀉蕉黃

元劉因

淵明豪氣昔未除翱翔八表凌天衢歸來荒徑手自鋤草
中恐生劉寄奴中年欲與夷皓俱晚節樂地歸唐虞手中
磊落一物無停雲懷人早所圖有酒今與龐通沽眼中之
人不可呼哀歌撫卷聲嗚嗚

五柳堂

吳澄

此非元亮幽棲處而喜亦無車馬喧濁雨一時蘇鬱熱流
風千載挾清寒秫田舊治民猶昨柳岸新亭客避煩江而
波神應冷笑曾聞容膝可偷安

趙孟頫

淵明求令本非情解印歸來去就輕稚子迎門松菊在
壺濁酒慰平生

淵明祠

揭傒斯

家貧無酒飲聊欲試絃歌去家百餘里邈若異山河江山
日多風浩浩水增波門前五柳樹繁陰空婆娑秋田已收
成歸計當如何

貢甫泰

竹杖芒鞋白鹿裘山中甲子自春秋呼童檢點門前柳莫
遣飛花過石頭

彭元亮

醉倚滄江看落花阿誰扶上短轆車山河萬里皆劉裕五

彭澤縣志

卷之十七

詩

十一

柳春風自一家

顧濟

無錢猶愛菊有酒卽橫琴萬古醉不了一名聞到今徑松
存老節門柳積秋陰人誦歸來賦誰傳歸去心

鄧善之

詩中甲子春秋筆籬下黃花雨露枝便向斜川頻載酒風
光不似義熙時

祿願

黃閣彤扉盡宋臣歸來松菊伴閑身舉頭誰識悠然意只
有南山是故人

謝應芳

晉室之危一木詎支我思古人孤竹夷齊彼薇西山我菊
東籬薄言采之可以樂饑秋日淒淒卉木具腴匪菊之芳
吾將曷歸

張以寧

五柳門前秋葉衰南山佳氣滿東籬白衣人到黃花外正
是先生望酒時

明劉基

江左昔潰亂桓盧遞相尋劉裕起寒微長驅掃氛祲秋草
雖未枯霜雪已駸駸陶公節義士素食豈其心我才非管
葛誰能起沉淪所以歌去來歸臥五柳陰悠悠多感激悵
悵寄謳吟哲人貴知幾芳名留至今臨祠三歎息懷古一

彭澤縣志

卷之十七

詩

三

何深

楊士奇

悄悄厭行役飄飄賦歸休開軒面南山黃花亦映秋酒熟
自可漉白社吾何求

于謙

杖履逍遙五柳旁一辭獨擅晉文章黃花本是無情物也
其先生晚節香

邱濬

桓公事業舊山河觸目傷心可柰何籬下菊花門外柳時
時相對醉吟哦

宿舊治懷陶令

陶安

昨日荆蠻來扁舟泊彭澤我思靖節翁名利輕一葉蚤賦
歸來篇秋菊有佳色悠悠千載間高風景先哲

淵明祠

袁 珙

彭澤雨晴秋草碧泥沙不洗籬根石夜深涼月滿江南照
見寒花淡無色先生已往將奈何傲睨獨受風霜多白衣
有期待不至清尊空負重陽過臨祠一見傷晚節凜凜丰
姿誰敢褻有祿不爲縣令淹有腰不爲督郵折吁嗟此心
鐵石貞元悟暗與幽人盟安得移居傍其下餐英飲水延
遐齡

潘 翥

灑落羲皇上世人卻將名利等浮雲一時去就非無意兩

彭澤縣志

卷之十七

詩

三

晉文章獨有君流水涓涓農事急柴桑寂寂世情分華軒
此日瞻遺像總道孤高不可羣

余 福

彭澤歸來只隱居閑情不復慕徵書英雄事蹟無遺土處
土烟霞有故廬芳徑蒼松驚夜鶴柴門疎柳駐輪車我來
默愛悠然趣仰沐餘光三嘆餘

何 陽

一片璠璵絕點瑕豈因五斗困風沙悠然歸去南山下還
把閑情付菊花

蘇秉衡

白日忽見匿浮雲結幽陰薄宦豈初志歸與遂吾心池魚

復深淵籠鳥返故林
褰衣適邱隴荆杞日已深
彼美東籬花不受霜霰
侵掇英樂眞賞南山對孤吟

羅叔昭

典午山河已半墟
先生解組賦歸與柴門寂寂
黃花滿案上香醪架吐書

傅榮

瞻仰南山意獨深
託渠微事笑投簪
若非朱子春秋筆
千載誰能識此心

北窗清夢午初醒
斗粟床頭未滿瓶
何事先生早歸去
豆苗荒落草青青

戴鳳翔

彭澤縣志

卷之十七

詩

古

望中烟雨正霏微
羣鶴冲霄引艦飛
漢水巴山千里隔
含鄱五老萬峯圍
葛巾漉酒情何在
斗米垂腰事已非
試向柴桑覓遺跡
只今黃菊尚依依

題淵明像

高巽志

玉山頽矣葛巾偏
老僕扶持步不前
莫道先生渾不醒
醉中猶記義熙年

陶淵明祠

許纓

三徑黃花酒一瓢
清風高節孰能超
居官未久休官去
只爲當年懶折腰

時季照

帶無心見督郵
歸來醉臥菊花秋
幾回宦轍經彭澤
却

憶先生愧白頭

顧祿

我思彭澤翁既仕復中止偶賦歸來篇解印就田里晉思
詎能忘宋聘終不起所以義熙後紀年惟甲子菊以持
節稅以供酒醴誰云折腰懶所托有深旨美哉處士書紫
陽乃知己噲噲葬大夫泉下當愧死

張璉

脫却樊籠返故山黃花小徑有餘閒當時誤入劉家網安
得清風滿世間

何寬

陶令今千載風流尙在茲江山標勁節松栢老芳祠避世
彭澤縣志

卷之十七

詩

五

惟三徑逃名只一卮南朝留處士心有紫陽知

張一貫

出岫無心似白雲輕將綬解遂初盟寧因松菊求人伴却
許田園得我耕尊酒何曾關世事籃輿到處愛山行至今
晉代誰同調柳自依依風自清

題五柳圖

李至清

淒慘江城柳萬條淡烟疎雨夜蕭蕭輕柔不似先生節逢
著東風便折腰

舟泊彭澤有懷陶靖節先生

朱煥國

孤雲天際捲片棹落帆斜鳥下日將夕湖平浪不花縣名
以典午山色又元嘉爲吊陶徵士村醪帶月賒

雨泊彭澤有懷陶公

王士正

陶公令彭澤柴桑一舍耳猶對匡廬山共飲西江水一朝
悟昨非扁舟歸栗里笑指故山雲吾心正如此我來彭澤
縣種田浚沙嘴急雨送寒潮三歎顏廼誅

讀陶淵明歸去來辭有感

柯在豐

卓哉彭澤合晉代一名賢不爲五斗米折腰督郵前辭賦
歸去來解組歸原田帶月自荷鋤柴桑畎畝邊卜居南山
側良友相盤旋奇文賞佳句疑義析遺篇理亂總不知爵
位忘陞遷但聞樽有酒醉臥足延年策杖遠宅行五柳翠
生烟時倚松玩鶴時坐石聽泉時於陸學道時於慧問禪
籬邊自種菊隱逸花鮮妍手下愛撫琴得意在無絃胸中
彭澤縣志

卷之十七

詩

夫

浚世味知命長樂天

狄公祠

宋趙抃

賢正屯蒙日陰邪會用時人從萬死過誰爲一言危毒意
回天后忠誠薦東之復唐三百載留得枕江祠

狄梁公祠

王十朋

武火方安李欲灰忠良何力可能回斗南人有擎天柱爲
向虞淵取日來

楊果

北雞聲裏紫宸寒神器都歸竊弄間一語喚回鸚鵡夢九
霄奪得鳳雛還荒祠寂寞臨官道清節孤高重泰山爲問
模稜蘇相國當時相見有何顏

狄文惠公新廟

元危素

大江從西來萬里流湯湯維唐社稷臣勳業載旂常天子
在房陵女后御明堂晨聞牝雞鳴腥聞溢穹蒼狄公秉忠
義耿耿立廟廊周旋極黽勉論義忽慨慷載御卷冕歸宗
社赫有光豈徒保國祚寶欲扶天常雲孫江州牧思聖宮
廟為烝嘗豆籩孔嚴潔絲石載鏗鏘再拜久屏息低回想
忠良作歌勸臣子百代踵遺芳

狄文惠公廟

明費策

當年籌策費紆縈萬古乾坤寄此情北斗以南聲價重此
身之後事功成漁樵歸路林光杳秋雨晴時月色清試問
祠堂何處是青山十里暮鐘聲

彭澤縣志

卷之十七

詩

七

朱公節

古廟陰森草樹秋四山遺愛屬君侯縱囚誰識孤臣意蠲
稅空懷此日憂撫景其澆黃菊酒登高重上白雲樓老僧
指點渾多事到處溪山起暮愁

何文魁

回天有力決神機扶得前星上太微百里無慚孤鳳翥九
霄還夾五龍飛籠中有藥終醫國門外栽花不為私却嘆
房陵厭春色落花香襲亂人衣

許纓

輔國功昭青史上恩親心向白雲邊古來賢相知多少忠
孝惟公得兩全

夏寅

奪忠蒙耻事堪嗟
宵似陳平媚呂媯
乳虎滿朝龍在野
花雞臨老鳳還家
參苓籠備回陽物
桃李門栽向日花
可恨五王初復辟
不將諸武制機牙

白雲樓

李璽

白雲樓上白雲搖
五柳村中五柳凋
只有野僧來擊鼓
更聞官府革征徭
東西壞壁交風雨
鄭衛新聲亂帝朝
別有天廚庖鳳脯
休緣蕭艾雜脂膏

歐一敬

得辭青瑣賦歸來
臨眺何心上碧臺
只有君親耐未了
日光雲影共徘徊

彭澤縣志

卷之十七 詩

六

過白雲樓有感

王心約

向聞此地白雲樓
樓址臺空日影浮
鴉噪寒烟幾冷樹
鶯啼衰草一荒邱
當年文惠思親遠
今日遊人吊古愁
我欲太行尋舊址
雲山疊疊水悠悠

望雲亭二首

陳嘉謨

一老獨望雲五龍
竟取日公於君親
際偶儻故無匹
白雲望不極
重上白雲亭
亭下九江水
茫茫鷗鷺盟

陶狄祠

宋王安石

梁公壯節就夔魁
陶令終身託酒徒
政在房陵成底事
年書甲子亦何須
江山彭澤空遺像
歲月柴桑失故區
歿後此風猶不幾
詩翁嘆息未應無

懷陶元亮

黃庭堅

馬當一曲孤烟人物於今渺然不見繞籬黃菊誰敢種穠
圭田

懷狄仁傑

鯨波橫流砥柱虎口活咽宗臣小屈絃歌百里不誣天下
歸仁

陶狄祠

邵寶

歲時江郡薦江蘋異代衣冠畧近真九死竟還唐社稷一
生誰識晉君臣菊松尙擬他年晚桃李聊增此地春莫道
近來公論少廟門題額是何人

陳崇

彭澤縣志

卷之十七

詩

充

呼盧人起解乾綱太白經天女主昌陶令歸來終却未狄
公用後復還唐菊松逕裏娛三益桃李門中拜五王廟貌
此間同祀典山川千古有餘光

潘陸

山郭倚江邊寥寥幾爨烟無時休驛騎昨日過兵船地借
陶公著人思狄相賢何堪尋廢縣沙草浸寒泉

國朝 吳會川

居官未久賦歸休採菊東籬酒一甌晉代衣冠存勁節先
生姓字至今留

忠安社稷力回天相業如公更孰賢一柱能擎唐九鼎自
應廟食饗千年

三賢祠

黃雲師

奠庚翳榛棘英風久云緬史傳紛相矚
 凌蕩孤懷遺邈哉栗里人飲酒此沈湎
 在官八十日雲霄終自卷梁公夾日
 功神龍雜鯁鯁側身北朝問獨力支巽
 懷文節貫秋旻人倫有冠冕捐軀庸足
 異庶辭面目覲上下千餘年棠陰此
 勿剪華嶽迥三峯天際望猶喘俯仰余
 何爲將以勵鴛蹇

國朝 笄重光

時乘機

彭澤縣志

卷之十七

詩

三

零陵墓下草芊芊歲晏愁余述酒篇博浪報韓事已矣那
 堪回首弔前賢陶靖節水滿宮城女主狂武媚歌散園陵荒
 英雄至死安社稷猶把丹心付五王狄文惠扼守長江力不
 支池陽烽火照旌旗金輿玉輦無消息留取人間雙節奇

趙忠毅

咏八景諸篇

讀書巖

宋 葉適

彭澤西山天秘惜淵明未敢發幽緘始從石尉兼王尉洗
 出前巖到後巖也只暫時供步履可能經老卸朝衫應須
 却誦歸來句重把家園草日芟

六角亭

元 吳澄

怪石峻嶒可十尋，劃開巖洞更幽深。隱仙書響烟霞散，太史字痕風雨侵。舊迹一朝成偉觀，新亭六角面窮林。孝廉作此千年計，淨洗人間塵土心。

登讀書巖石閣

孫舉海

耽山已成癖，著屐亦攀躋。雨過嵐光潤，風歸樹影低。蒼崖懸綠字，丹竈覆青藜。天外雙鴻度，依依入望迷。

讀書巖

戴鳳翔

六經對越古，今天芸藥香。中拂紫烟甕，牖有聲欣自得。苔階交翠樂，無邊一塵不許牙籤染。萬卷皆存玉軸鮮，每奮茶連熊膽志。下帷巖若仕優軒。

馮希武

彭澤縣志

卷之十七

詩

三

石氏膏梁屬道腴，仕優猶不廢三餘。牛刀才試彭城治，從政原來在讀書。

書巖擁翠

國朝僧然道人

泮宮還繞鳳凰窩，夢裏如遊今實過。聖澤江河流處永，春風杖屨客中多。層巒屈曲蟠龍窟，疊嶂參差涌翠峨。始信歷來賢宦跡，湖山佳氣護陽和。

次情然韻

王廷藩

鳳凰山下鳳棲窩，聞說涪翁此地過。字勒磨崖蒼蘚蝕，境移講座白雲多。宮牆繚繞遊空返，石壁巉巖望轉峨。師載刀圭探勝蹟，鸞聲半嶺認公和。

書巖擁翠

柯讀

峭立書巖翠欲流是誰披對愛潛修花含錦繡光生石鳥
奏笙簧韻滿樓兀坐已忘何甲子沉思不計幾春秋名賢
題詠微常在風雨摩挲翰墨浮

登讀書巖石閣

侯于助

怪石參差立尋門曲徑躋雲深樓樹穩江闊落帆低山鳥
逢人語松花傍竹藜欲窮千里外極目萬家迷

讀書巖懷古

喻方毅

支策來千里依鄰卽卜君讀書人不見種菊事猶聞山色
青歸樹烟花榻臥雲登亭頻一望落葉正紛紛

饒鞏

誰作讀書屋置此蒼崖前至今數百載空洞鎖寒烟我來

彭澤縣志

卷之十七

詩

三

吊遺躅徘徊榛莽邊雖有舊題在剝蝕體弗全何爲生仰
止欽若日月懸撫柏思文惠攀柳憶陶潛匪物能不朽流
芳在名賢

冬日遊讀書巖次李約菴韻

何瑾

一縣石堆成書巖更清挺礪砢狀熊羆尖怒天馬影鬼斧
鑿神功劈破雲窩境幽人嘯山阿鬱鬱懷抱騁捫蘿緣絕
壁王孫路亦梗俯眺豁心胃失足爲吾警箕踞坐虎豹麈
帚亦趨迥錯愕飛來峰縹緲靈鷲嶺緬懷蛻骨仙乘雲控
鶴頸霜侵古柏寒雪壓長松冷剝蘚不龜茲振衣凌絕頂

潛玉洞

明馮希哲

靈谷產璠璣烟霞別一區韜光迷世遠藏器待時沽冰雪

堪同操風塵不受汚願歸良匠手製獻作瓊琚

戴鳳翔

虛白無瑕覆地圓靜中疑自有神仙水晶宮映紅塵遠雲
母屏涵素月懸影入梨雲春似海香浮梅谷暖如烟高人
風致清如許歷遍雕闌不記眠

傅榮

石角鈎衣半紫苔山深不許俗人來一聲鐵笛知何處滿
樹碧桃春自開

凌杞

洞中萬玉瑩無瑕洞口春風幾樹花却歎如今風景別半
藏瓦礫半烟霞

彭澤縣志

卷之十七

詩

三

何陽

洞中萬怪玉玲瓏上與桃源一路通石尉不來誰是主野
花啼鳥領東風

仁磯釣臺

國朝 梁清標

寒雨江村晚山屏向翠微磴盤僧徑曲烟雨水禽飛青嶂
臨窗小黃魚入饌肥風塵客已倦吾欲訪魚磯

仁磯釣月

王心約

兩岸蘆花遍地秋一輪明月照孤舟魚寒不餌空垂釣拋
却長竿上酒樓

周易象

一片江干石清風釣者臺不貪魚自去相愛月常來茶竈

筆牀事蘆花簪笠懷伊人如可卽溪水只灤洞

觀閣流霞

宋蘇軾

巖上觀音巖下湖儼如南海舊規模庭前翠竹干竿有門
外紅塵半點無水繞三江同楚地勢連五老共洪都夜來
一片無私月照見摩尼頂上珠

觀音山

明戴鳳翔

大士深居景色幽飛橋澗底湛寒流鬼神穿鑿青空墜風
雨噓飄翠靄浮洞口有苔春寂寂竈前燒藥思悠悠欲知
占斷南高趣香細松濤總自由

殷嘒

偶尋蘭谷際晴明雪滿梨梢柳簾青過雨鉢龍乘水躍當

彭澤縣志

卷之十七

詩

雷

牕山鳥向人鳴光含寶殿金蘭燦氣靄磁餅瑞草馨喜共
參禪忘俗慮巖前徙倚聽泉聲

謝英

巖畔烟嵐翠欲流嗟峨渾似普陀幽下臨彭浪繞三里高
出孤峯定一頭香篆繞壇迷晝夜松濤響壑自春秋老僧
出定無餘事自起鈎簾看白鷗

楊季芳

本來無事却成忙剔蘚捫蘿到上方酒滿椰杯竹葉美詩
留僧壁墨花香雁拖雲影寒生翻潮捲江聲夜擁床五柳
江山頻望眺謾嫌風葉響長廊

宗臣

一上孤峯眺大荒吳山楚水共蒼茫雲間棟宇垂天清江
上瀟灑卧石梁絕壁畫開風雨色斷崖秋挂薜蘿長吾將
從此尋瑤草黃鶴翩翩歸帝鄉

宋元泰

磴閣凌空起江城礙日斜孤峰青插笋遠浪白飛花鳥語
喧晴柳鷗搏戀暖沙山僧間洗鉢水面弄明霞

國朝 侯于助

壁削芙蓉青一山懸崖題石宋時聞登臨尋到雲中殿指
顧平開鏡裏顏不盡雄風來睥睨無邊春色入潺湲同人
猶有扶筇興曲徑藤蘿次第攀

劉曉

彭澤縣志

卷之十七

詩

五

江光開戶牖柳色一山深怪石留人語清風披我襟翠流
簷際碧苔點佛頭金到處成佳趣時聞空外音

周易象

梵閣依山峙霞從天半生四圍儘寥闊五色自分明馬渡
飲虹水人歸落照城晴光看不厭願化雨滋耕

朱勳孕

巖巖怪石枕霞流艷徹孤峯幾樹秋積翠應餘霄壁晚含
情翻與夜光浮半軒古寺經霜老一榻微禪和月幽此日
登臨應有意遡觀宇宙一扁舟

喻方轂

停棹上層崖高閣凌虛架鑿址依石壁巖聳險欲卸置身

直千尋倚櫺接莫暇柳色夾岸青長江麓底馮洶涌怒濤
間突起孤峯跨轉睫

夕陽間流霞影相射山水幻向窮天際想俱危柳極一校來於蒸脚息駕

可觀樓壁間韻

汪鑑淑

層層樓閣倚山江一洗塵氛俗慮降石境光分斜到案孤
峰翠積正當窗寒禽叫破三更夢清磬聲敲五內腔悟得
本來真面目菩提座上有仙缸

登彭澤元武崖

魏際瑞

元武崖前瞰白湖大山橫絕小山孤千帆直挂天風水三
國平分江楚吳日下東南聞戰伐望中烟火識樵蘇登臨
目極愁無極飛鳥斜陽半綠蕪

柳洲書院和歐陽可堂掌教韻

知縣 沈大綬

彭澤縣志

卷之十七

詩

三

百尺亭亭矗古桐新陰桃李在門中宅環楊柳盈盈水軒
敞湖山面面風書卷琳瑯堆几案詩聲金石響簾櫳葭蒼
露白伊人近載酒還來伴醉翁

柳洲卽景八首之四

醅醪半醉日西斜移駐尊罍伴砌花露坐酒杯天影入風
清香思發奇葩

寂寞疎林掛落暉雲端晚日射漁磯荻洲數點浮波綠時
見棲鷗啜喋飛

屋角披襟暑氣清蕪波枯柳臥還傾俗囂遠却聞天籟不
是風聲卽水聲

水氣昏昏向晚濛遠山依約列屏風小姑入眼如窺客霧

髻烟鬟杏靄中

雙峯尖

劉 曉

芙蓉干仞破天荒雲際招呼五老行一氣橫霄空夜月雙
峰出水映朝陽僧隨竹影懸崖半石亦流泉供佛堂鍾鼓
數聲松外落萬村燈火共翱翔

雙峯積雪

周易象

看山宜雪裏尤好是雙峯冰作峻岫骨玉爲浚雅容人家
都在樹僧寺但聞鐘三尺江南白歎歌豈獨儂

集福庵秋夜

宗元泰

修竹空山秋夜長飛來空翠濕衣裳月窺定水魂先冷烟
着眠雲夢亦香茗熟自宜泉味浚僧閒若爲客情忙翻騰
貝葉清無寐隔水啼猿不厭狂

彭澤縣志

卷之十七

詩

三

訪僧

劉 堂

雙峯精舍郭之東放曠宜尋老衲同石磴迥行人境外泉
聲遙在玉琴中逃禪豈效參禪蹟入世應知出世空也得
浮生閒半日何如蓮社舊家風

探梅

吳文煥

方丈尋幽到嶺時馬肥韁軟與春宜松風竹樹三千影玉
骨冰肌一兩枝有興不殊東閣意無懷誰作隴頭思經過
爲問花消息香氣濃催酒後詩

吳會川

暮春贈僧意文

千巖疊翠擁禪扉竹色松陰正滿衣四座天風隨日散一

簾花影帶雲飛山空不復知春夏性定何須問是非悟到
無絃琴可碎高僧俗吏悉忘機

計問義

修竹千竿擁剝幽玉泉聲散滿經樓出雲雙岫輕籠樹映
水孤峯暗繫舟鶴唳常陪鐘鼓遠錫飛時引月霞留相看
不厭情何似宛入鞦韆川畫裏遊

丁春

寺在青霄第幾重門深長被白雲封林中時嘯生風虎潭
底應歸帶雨龍繞屋無牆多種竹度橋有路更栽松却因
翠色交加處遮斷中流第一峯

寶樹

陽正亭

彭澤縣志

卷之十七

詩

天

寶樹青葱不計年呼松呼柏亦天然擎雲濯霧禎王國不
是雙峯一味禪

凌汝綿

爲愛雙峯寶樹孤亭亭翠蓋護僧居謝林選遍誰相似可
是西天種也無

眺雙峯尖

王榛

頓覺羣山小危巒近碧天斜陽依壁沒古寺抱雲眠野鳥
棲林際飛泉落木顛何如謀一室世外一參禪

小孤山

元揭傒斯

積雨西南下朝宗第一門憂勞思舜禹疏鑿正乾坤地東
千帆側天扶一柱尊蛟龍深窟宅穩睡莫翻騰

宋 蔡 齊

危峯屹立長江上，勢折華胥限百蠻。
鰲背孤撐青玉柱，杓斜插翠雲鬢。
月生西海初三夜，潮到東吳第一關。
安得扁舟多載酒，放歌擊棹浪花間。

劉 敞

驚波觸南崖，反怒射北壁。
蒼山與相狎，所謂小孤石。
蟠根萬仞淵，聳角百丈碧。
祠堂豁精巖，行旅進粉澤。
或云婦女神，眸盪頗有格。
吾知定名意，似欲旌介特。
流俗失其真，傳聞莫開釋。
居人私其利，禍福妄損益。
競爲媚如說，以誣聰明德。
先王撫山川，禮典有廟食。
奈何媚於寵，屈已忘正直。
吾欲爲小孤，作書解行客。
復恐不見從，嗟哉世多惑。

彭澤縣志

卷之十七

詩

元

王安石

小孤未嫁與蘭支，何限流傳樂府詩。
欲學水仙騎赤鯉，意尋山鬼從文狸。
繽紛雲影空棠楫，綽約烟鬟獨桂旗。
弄玉有祠終或往，飛瓊無夢故難知。

題李思訓長江絕島圖

蘇 軾

山蒼蒼，水茫茫，大孤小孤江中央。
奔騰路絕猿鳥去，惟有喬木江天長。
客舟何處來，棹歌中流聲。
抑揚沙平風軟望，不到孤山久。
與船低昂峩峩兩烟鬟，曉鏡開新粧。
舟中估客莫亂狂，小姑前年嫁彭郎。

觀小姑圖

陸 游

江平風不生，鏡面渺千里。
輕舸裁萬斛，舟遠望一點耳。
大孤

湖中央四面峭插水小孤特奇麗丹翠凌雲起重樓遠
神之家帳中美入粲如花遊人徙傍闌干處俊鶻橫飛東
北去

小孤山

謝枋得

人言此是海門關海眼無涯駭衆觀天地偶然留砥柱江
山有此障狂瀾壁如勇士敵場立危似孤臣末世難明日
登峰須造極渺觀宇宙我心寬

重遊小孤山

元揭傒斯

小孤山前一回盼蒼然如鐵孤山面隔江疊嶂開翠屏絕
壁浮雲飄素練憶昔初蒙翰林聘艤舟尋奇不知倦捫蘿
陟級至絕頂目極神開氣爲變大江東匯彭蠡來晝夜崩
彭澤縣志

卷之十七

詩

三

騰奔海甸笳鼓遙聞日月動帆檣忽度乾坤眩舟人不識
造化奇且晨每趨南風便早悟微官七載縛底用區區厭
貧賤深牕合壁守編摩何異揚雄困雕篆重來勝地歲月
暮短景催人疾如箭天昏一火明半山石底猶疑有飛電
澎湃磯下寒泉湧坐客正說龍君傳人生可喜還可憐世
事堪違不堪戀明朝匡廬復入眼雖有此景何由羨武城
先生獨官好名山每恨遊難遍豐城客子無一錢但當作
詩乞如願

吳澄

序云延祐五年秋與伯生修撰憩彭澤水驛值江
州推官畢侯來論因棹舟登孤山有彭蠡劉尉同

遊因賦五十六字

三十年前東下時開篷曾賦小孤詩風濤如許相衡激天
柱迄今無改移長願江流平似鏡坐看舟客去如馳悠悠
此日登臨意付與潯陽循吏知

小孤山

傅若金

船度江春暮色青半江楓影動寒星海風忽起元珠樹山
月遙生綠玉屏

過小孤

楊載

日落霞明錦浪翻崖傾壁峭白雲閒乾坤上下推孤柱吳
蜀東南壯此關神物夜移風動地仙舟曉渡月漫山回瞻
絕嶺登臨處空翠溟濛杳靄閒

彭澤縣志

卷之十七

詩

三

小孤山

土廓

江上青山一劍孤氣虹夜貫斗牛墟寒藤古祠神所居謾
說彭郎近小孤俚語不經聽者愚舉世孰與明其誣山下
長江通蜀吳飛廉怒鎖千舳艫乾坤變色慘不舒楫摧纜
絕愁萬夫初疑破虜遇老孤又訝伏波留價胡陽侯負弩
雄前驅沔陽擊鼓嚴後車六鰲掣杓軒蓬壺八駿按轡鞭
龍魚神靈怪駭千萬殊縱有健筆難窮書一官長沙賦歸
與三年臥病南陽廬故交新貴一字無扁舟夢膾松江鱸
行或使之不可虞呼童取酒聊自娛短歌激烈驚樵漁掀
再一笑誰和予隣商去任依祝巫盤餐拜祠檣上烏百千
之利衆所趨浪走不待晨雞呼進銳退速中乘除未要冒

險爭前途江山正自不我疎我亦樂與江山俱安得匹素
百尺餘他年寫我東遊圖

劉基

峽東千雷怒擊撞危峰屹立壓驚瀧山聯廬霍朝三楚水
落荆揚限九江鎮海重關爲第一擎天孤柱故無雙瓊環
夜月知何處露濕蓬萊玉女牕

小孤山

解縉

兩崖相夾石爲門萬水東流去不奔拔地一峰形自險擎
天獨柱勢尤尊魚龍並躍春初暖風雨時來晝易昏想見
當年神禹鑿奇功千古至今存

過小孤山

胡儼

彭澤縣志

卷之十七

詩

三

一柱中天起扁舟雙檣鳴月鑿山影靜風帖浪紋平蕩漾
星河動淒迷烟霧橫更闌過彭澤問驛是龍城

重遊小孤

楊溥

誰鑿闌江石成功大禹先百川同赴海一柱獨擎天月出
潛蛟舞風來過鳥旋重遊任夷險但見雪盈巔

小孤山

李東陽

山當極浦峰全峻江到寒磯勢却迴獨立天門風不斷片
帆揮手謝高臺

黃翰

長江東去浪如奔消長無窮言有源山闢兩門行日月天
留一柱鎮乾坤氣凌鴻鵠遙知避影落魚龍莫敢吞相對

彭郎青不改千秋萬古白黃

王守仁

人言小孤殊阻絕從來可望不可攀上有巖崖勢欲墮下
有劍石交巉頭峽風閃壁船難進洪濤怒撞蛟龍關帆楫
促縮不敢越往往退次依前山崖傍沙岸日東徙忽成巨
浸通西灣帝心似憫舟楫苦神斧夜劈無痕斑風雷歛翁
見光怪人謀豈得容其間我來銳意欲一往小舟微服沿
迴瀾側身悚息仰天竇懸空絕棧蛛絲慳風吹卵酒眼花
落凍滑舟梯足力屨青鼃吹雨出仍沒白鳥避客去復還
峰頭四顧盡日落宛然風景如瀛寰烟霞未覺三山遠塵
土聊乘半日閒奇觀江海誰爲險世情平地尤多難

彭澤縣志

卷之十七

詩

三

王守仁

看盡東南百二峰小孤江上是真龍攀龍我欲乘風去高
躡層霄絕世踪

丁湛

孤峰干仞勢嶙峋石磴攀躋翠靄分一路濤聲長帶雨半
嶺嵐氣總成雲參差梵閣依巖起斷續漁歌隔岸聞莫謂
芙蓉初拂水江天獨立孰如君

夏寅

海門東去大江橫秋滿乾坤萬籟鳴七十二峰青未斷小
孤山下看雲生

陳愷

巖岬登臨絕頂遊江山滿目思悠悠紫芝雨後色偏秀黃
鳥風前聲正柔獨砥狂瀾歸楚鎮敢當大造控中流孤高
下瞰羣山小占斷江南第一州

王紱

不到孤山今年望中風景尚依然廬山金削遙天外漢
水綠浮飛鳥前祠下女巫鳴賽鼓沙頭津吏候官船登臨
重覽舊題處崖石年深蘿薜牽

尹潛

轟轟孤根擁翠臺宦遊涉此滌塵埃雲山欲雨千峰暗江
水無風一鏡開錦里客從春水下金陵人逐晚潮來微軀
幸得粗康健敢望君恩及草萊

彭澤縣志

卷之十七

詩

詩

撫甯 朱永

征蠻奏凱趨朝日秋晚芙蓉正著花一點峰巒真可畫九
江烟水浩無涯然犀欲照蛟人室看菊還尋處士家織女
宮牆鎮漢近海門東北是京華

周禮嘉

高閣千尋俯碧流插天孤柱海門秋柳疎其識陶潛徑沙
靜初維范蠡舟躡躑昔年猶稚子登高今日愧交遊不堪
重拭風塵眼但摘黃花醉滿頭

金文

大江遙自岷山來東注甯知幾千里孤山屹立江之濱秀
巖羣峯插天起長江風浪無時無古今人愛孤山孤風帆

浪楫日來往不假丹青眞畫圖

蔣如奇

長帆上下任西東天籟吹濤笑語中小燕凌空還貼水輕
豚舞浪亦迎風俄隨飛翠千峯度刺有撐江一柱雄相望
曲池追粟里秫田高韻許誰同

登小孤山

孫世禎

橫棹孤山下捫蘿躡紫巔江濤堪浴日砥柱易擎天雲向
衣前落帆從鏡裏懸故鄉何處是煙水正茫然

過小孤山

李得陽

蒼茫烟水闊孤嶂拔中流皎月懸清夜寒濤捲素秋依微
辨雲樹縹緲覺漁舟恍惚瀟湘浦猶疑帝子愁

彭澤縣志

卷之十七

詩

五

入觀還重登小孤

幾年慚曠素此日復登臨孤峭分吳楚長江自古今懸心
丹闕迥回首白雲深多少浮生意風前謾一吟

小孤山漫興

孟瑄

我憶陶彭澤千古稱詩聖日近小孤山不聞有題咏知山
喜孤子有名乃其病相對成莫逆五斗羞爲令慨焉賦歸
來適茲松菊性後人卒不解絲筆羣爲競以此貶山高以
此損山勁何如俱忘言孤真相迴映我今復饒舌自愧成
僂孟須借江天風一掃塵翳淨

小孤山

丁嘉臣

一峰不著地獨向大江浮突兀方知特孤高孰可儔崖迴

千匹練閣度幾帆秋極北風烟渺憑虛起暮愁

江殷道

萬里波濤錦浪開
轟天孤柱倚雲栽
江分九派西流合
湖挹重關東海回
神島豈宜誇玉宇
仙洲何處覓蓬萊
峰頭遠挹瀟湘月
帝女還應跨鶴來

鄭日奎

何年小孤山突向中流起
亭亭百餘仞壁立四無倚
高截天之雲下蟠湖之底
石氣森孤寒草樹不敢美
吹烏紛紛下遊軒少至止
惟餘幽菑中一寺縮崖趾
江流自日夜此域無增毀
不謂一拳力而欲金焦比
信知天地心狂瀾須一砥
山水且復然人境今誰是

彭澤縣志

卷之十七

詩

三

小孤山二首

歐陽鉉

拭目長江萬里寬
玉盤捧出石中山
何須別覓擎天柱
的的東南第一觀

春日遊小孤

宗元泰

石削碧芙蓉江心第一峰
人來常覽鏡鶴舞忽聞鐘
水抱青山小烟粧綠樹濃
凭欄休發嘯怕起海門龍

獨遊小孤山

中流有片石卓爾似吾徒
靜不因江動孤惟與月俱
高風誰可及傲骨自然殊
遺世能獨立巖巖一丈夫

登小孤峽

國朝

王廷藩

一石中流柱孤山
不易登翻從南岸
泱却望上方僧閣動

欵相對鐘聲度與磨垂堂思古戒危礎莫言升

遊小孤山

劉曉

破浪收吳楚驅鰲立大天白飛湓浦月青到玉爐烟鐘敲
千雲出香燈一水懸登樓看柳色猶是晉時妍

周易元

亭亭卷石砥中流此日雲開翠色浮劈地迴瀾翻史帙插
天文筆紀春秋奇身直探蛟龍窟傲骨那堪培塿稠遙望
陶潛門五柳騷人有意寄瓊樓

舟行望小孤山

觀察和其衷

掛帆迎曉日極望湛清深波湧樓臺影雲流鐘磬音蒼茫
遠兩岸孤鏡立千尋遙識山僧意憑高笑陸沉

彭澤縣志

卷之十七

詩

七

江流殊自在恣意看曦巖曉露霑山翠明霞照鏡兩層崖
環殿閣嵌竇挺松杉望望輕舟近微風送片帆
簷宇重重闕嵐烟冉冉濃僧鷁汲淺岸白鷺入深松似隔
人間世猶疑海上峯金焦堪鼎足澎浪敢希踪

和前四韻

知府董榕

蘭橈行且避中峙迥高深遊鯉環莖幹鳴鴻和梵音凌霄
白撐拄脫垢絕侵尋力砥狂瀾意千秋俯碧沉

一拳當水面氣象亦巖巖鶴起雲飛表

龍洞似霜遺白毳如薺是青杉恍見蓮壺近遲遲引峭

帆

為情奇嶸秀雲鬟綠黛濃數竿妃子竹三尺大夫松豈屢

成空閣眞驚戴好峯臨風綽約極姑射有遺蹤

小孤山次韻

我昔黃河看底柱三門劍射難躋攀其柱遠望止尋丈渺
無所有空巉峴今看此峰數倍彼截然樹作西江關題此
動云危一柱渾忘四配東西山君山西屹洞庭潯金焦東
峙京江潯大孤近在彭蠡口如皇英對蒼筤斑鬢華螺髻
尊首出巨壑尊若君中閭地當江南西路界滄溟漸下多
狂瀾以爲挽之莫束遠扶與奇氣坤軸慳誰歎泣者陶與
狄壁立直足剛巖層神聖斷風葛天想虞淵取日當陽還
有明伯安科後劫移移亦負高塵寰捫碑每恨鳥迹絕廢
唱且玩漁舟聞此也爲小試能大眺賞莫漫愁辛艱

彭澤縣志

卷之十七

詩

吳

秋夜登孤山

吳會川

憑高四望萬家烟白露橫江屋氣連水底月明浮滿鏡波
間峰影倒擎天漁歌欵乃來蘆岸梵韻清冷送客船孤鶴
一聲雲裏起方知此境果然仙

重過小孤山

汪迺霖

好風幾日與山離買棹尋來覺愈奇成障雲行向處雨無
事人讀去年詩平湖如鏡盤新髻小殿連天倒舊旗我欲
停舟重醉酒片時撫掌碧烟移

登小孤山

王子錮

一柱嶙峋障巨流捫蘿直上翠微幽欲分吳楚千江水故
一匡廬一片邱香篆繞峰迷永晝濤聲觸石覺深秋登臨

勝概堪圖書遙望扁舟似泛鷗

丁濬

咄嗟造物怪山不與山同無伴倚天立凌空插水雄撐持
憑大力挺特仰英風攬雨九臯際潮翻沛澤隆

孤嶼濤聲

丁應鼎

一柱孤高具大觀巖巖壁立障狂瀾橫翻日月光偏閃常
吼魚龍膽亦寒湘水匯流同吐納廬峰對峙共盤桓潮迴
汐卷分吳楚獨羨海門地步寬

小孤山

何緯

一派塵埃付碧流孤山獨占海門秋巉峰插水魚龍舞怪
石鳴濤鐘鼓幽野鶴巢巖驚壁峭巨鰲盤底鎮江浮我來
彭澤縣志
卷之十七 詩
快遣登臨興嘯破蒼波震斗牛

元

張香

不與衆山偶岩崑插碧霄朝連豫章雨暮接武昌潮倒影
雲鬟濕淩波翠帶飄老僧拈午課清磬一聲搖

彭士望

昔日元道州曾運醉魚舫豈若茲石奇兀傲羣流上日月
與俱浴雷雨亦相盪樹無凡鳥栖槩供山僧養苦節風波
中獨立本無黨

何顯

波心尖矗插奇峯鑰鎖海門第一重月色影籠淩漢樹濤
聲響徹撼山鐘撥雲撑起天邊日破浪驚飛海底龍幾度

風狂瀾欲倒長留玉柱鎮江衝

小孤山

饒 鞏

巨靈開闢手劃石立江衝水闊浮螺髻天空躍玉龍氣吞
波萬頃秀跨石雙鑑一望誰堪匹雲間五老峰

登小孤山

集句

丁 特

路自中峰上崎嶇不易行燈明方丈室波撼岳陽城海氣
浸南蔀秋風古北平登臨出世界因見古人情

小孤山

周 監

嶙峋傑出嶂烟高秀擁龍城十萬濤低插玉鬢山石峭平
分翠浪雨花拋挑開水面波浮筆劈破江心石學刃吳楚
關欄誇第一北門鎖鑰羨誰豪

彭澤縣志

卷之十七

罕

王文治

廿載經過處今朝始到巖窄無容足地高有礙眉天萬竹
稍雲動孤峰壓浪偏餘年縱登陟亦目具清緣

劉 續

靈根深插水絕頂接天樞四面皆吾與中流正不孤

過小孤山

汪 勳

突兀攔磯出孤峰扼巨流風聲生絕壁水勢入飛樓客自
三吳返烟橫一棹秋江神如有贈瓊珮付波頭

小孤梳粧亭

周世業

片石生成瘦且尖一亭峰頂貯香奩曉粧天際雲堆髻夜
櫂江心月吐蟾夾岸好山青入座沿堤嫩柳翠侵簾明明

色相皆空幻浪靜風恬良畫簷

喻以恕

一峰江面翠如削四顧空明渺所托絕壁生苔日影寒怒
潮當夕雷聲作昔年仙子愛梳粧今日臺高江水長帆去
帆來行不息春風遠眺發清狂

小孤山

陳奉茲

秋色孤寒似不勝可憐萬古木鷲崩下凝海眼知鼉斷高
放雲頭引鶴升我欲收帆謝宗慙卽時踞頂噓孫登劍門
巫峽多奇嶮依傍全空料未嘗

細看卓立倍嫺然樹色僧房盡可憐楚雨散秋千里豁吳
雲橫晚一峰懸孤根急與中流浪倒影深遶過客船來自

彭澤縣志

卷之十七 詩

三

馬當初不險願依奇秀宿風烟

孫 韶

江心突兀聳孤巒飄渺還疑月裏看絕似凌雲一枝筆夜
深橫插水精盤

舟過小孤山以風利不得泊率賦

洪亮吉

我從金焦逆浪西吉陽黃石皆危磯忽驚天半落高善目
所見者茲尤奇藐然獨立天水際奇在四邊無附憑山僧
居山五十年知有青天不知地寰中落落誰與倩只有砥
柱居河流一掛濁浪一清漲河伯海若都難警君不見天
門山亦江心柱畢竟傍人門戶在一岸于湖一歷陽縱然
離立難軒翥平生最薄樓君卿五侯威附咸饋鯖朱門散

後亦潦倒低目俯首隨人行茲山峙立真吾友面面相看山
舉杯酒一拳俯瞰卽東溟數點蓋頭惟北斗宮亭湖接桑
落洲明日合上潯陽樓眼中餘子尚千古一笑淮伴匡山
遊飛舄欲落仍未落風利應知不能泊香爐峰頂客復回
蠟屐應登最高閣

舟過小孤

阮元

渺渺潯陽九派流波心清湛一峯秋獨撐江漢成孤柱遠
壓金焦在下游活翠巖邊霜葉樹淡紅山頂夕陽樓乘風
破浪尋常事但惜仙磯未泊舟

丙子九月九日登小孤山次阮中丞元韻

玉輅

彭澤縣志

卷之十七

詩

望

誰扼章潯兩派流孤雲一朵插千秋匡廬峯接開生面彭
蠡霜高紀勝游共識狂瀾成砥柱幾人仙境到瓊樓我來
偷得浮生趣好傍蒼厓一繫舟

任蘭祐

千仞崇岡萬里流孤峯界破一天秋近依廬嶽窺真面遙
控潯江湖上游花爲重陽開水榭人來絕頂俯山樓從今
彭蠡棠陰遍星使他年也繫舟

江心一柱圖

劉黻

家住江南江水邊彭郎磯畔古因緣難描山色三千里一
列江聲四五年小幘誰通春後夢孤峰仍壓水中天居然
素風瀟瀟東去蒼連島嶼烟

不著丹青半點妍傳神阿堵有詩仙

圖係周駕堂給諫代見善手指示為之

胸中邱壑藏無數眼底須彌化大千秋雨蘆花江上路春

風香草渡頭船芒鞋踏處鄉關景一望蒼茫思渺然

鐘蘇曾經石上鐫雲香水翠

晉書此四字于山頂僧霞觀鐫于石

寫婢娟小

姑誰說前年嫁佳話多於後世傳千古江山繫我輩許多

題詠集名賢他年袖向峰頭寺好共青天尺五懸

江心壁立攬孤峰海上關門第一重萬古乾坤真氣節中

流鎖鑰特從容吐吞吳楚蛟龍靜咫尺星辰沆瀣穠好鎮

南條諸路水不生波浪去朝宗

題劉東橋巖江心一柱圖

紀昀

誰寫孤山入畫圖亭亭翠色落平湖天然獨立佳人影何

彭澤縣志

卷之十七 詩

聖

必青溪問小姑

木葉零時水欲波白銀盤裏見青螺何人更寫君山照為

問娉婷勝幾多

張問陶

神山縹緲似方壺水滿潯陽看小姑畫裏鄉心增沒遠虛

舟我亦夢江湖

辛紹業

盜舟彭蠡湖撥棹心神轉烟鬟當面來良覲原平等平生

慕小姑緣分宜非淺經過山下風却顧山頭遠咫尺辭蓬

瀛弱水迴難免豈不懷登臨天仙留不肖妙有冰雪人揮

筆工清染蕭然塵外姿千尺波心展勢將窮日夕臥對誰

能捲

新寧 周厚轅

小孤山踞彭澤東上游下游之當中挹注彭蠡泄江漢吐
納日月關魚龍高不百尺頂圓鏡冠以多樹烟蒙籠其趾
延袤石散阜有穴巖洞聲含洪峻嶒凸凹自骨立面背側
卸俱成峰距南北岸割都會一襟帶水交艤艫曩曾作客
蠟屐屐此焉小憩支瘦筇眼界放爭天地大脚跟踏笑波
滿鬆金焦兩點若顧盼咫尺千里流能通大孤招一程
耳彎彎眉黛誰為容兩孤孤立非姑譬好事者說語不從
曉氣翳騰林隼霧夜深惟吼江豚風舟人慳退漁人樂客
子叱咤居民聾人生有情各異態江月不礙終懸空解元

彭澤縣志

卷之十七

詩

獨

詞人會心好指揮顧陸描摹工我詩非詩亦畫匹搖筆切
近青芙蓉鄉關塵淨山靈遊掛帆一去春濛濛

方 體

叱石飛來倒插根下匪無地一拳蹲盤空磴道穿山腹絕
頂風雲鎖洞門霧隱江船沙樹澹花濃春寺水香溫小山
孤立如虫臂遮護東南半壁存

小孤山

汪禮耕

家傍孤山帶水間盟鷗狎鴨本幽閑壯心忽縱雲霄外破
浪先衝第一關

小孤山秋眺

王觀曜

青嶽向寧小孤遊此地偏宜天地秋經閣晚江明似鏡妝

新月細如鈎斷鴻都入衡陽畫落葉初兼漢水流憑眺
幾回多逸興忘機那解向沙鷗

身晴中流一柱孤巍然樓閣撫江湖洞庭波送千帆下楚
國天迴兩岸紆宜與陶公傾菊酒况逢張椽憶蓴鱸少焉
月出忘歸棹如此青山豈負吾

遊小孤山

許標

浪迹江湖幾度秋故山翻悔少勾留忻逢陶令開三徑喜
與松宗駕小舟鳴絲螺青角暮景水光山色豁吟眸凭欄
欲擲驚天句無奈前人筆底收

百尺元龍意氣豪淋漓潑墨疾揮毫已同鼓棹遊三島更
欲凌波釣六鰲秀峭遠標彭蠡澤文瀾直接海門濤浣薇

彭縣志

卷之十七 詩

聖

頓惹詩情動忘卻陽春調最高

孤峯約畧與君論傲骨嶙峋一柱尊瘦到渾身都是石飛
來獨立詎無根最難風月設今夕絕好江山是故園何必
雲中招五老彭郎相對可忘言

著腳梳亭最上頭江南江北望中收天開奇嶮宜巢鶴人
有閒情共狎鷗擊鉢好同吟飯顆舉杯還欲醉糟邱芒屨
竹杖休拋卻留與他年汗漫遊

宿小孤山

周子莊

不取危闌立空江萬馬奔風搖山欲語浪齧石餘根老屋
生秋氣寒潮出海門中流憑砥柱吳楚氣潛吞

澎浪磯四風

宋范成大

浦口戴舟尋丈慳篙師抱膝朝暮間逆風來從水府廟濁浪欲碎小孤山太白猶高缺蟾墜長江未盡歸鬢斑短歌聊復怨行路當有聽者凋朱顏

澎浪磯

元吳澄

絕壁孤峰已是奇澎浪對立儼相持海門第一關如此山峽幾多人未知

萬曆甲午都水使者晉江王三陽乾開父督蘆於此

江州從事石應巖同登立石

一卷獨插蘆花津鑿斷崑崙半未真萬里雲根分海若干年香火揖江神崖亭屈曲看都水石骨登題到舊人峯小若從評品格曉戾勁節一孤臣

彭澤縣志

卷之十七

詩

巽

凌杞

石磯竒立當海門驚濤澎湃翻雲根長江一瀉一千里雷驚電激無朝昏移舟昔向磯頭泊山嵐夜吼波濤惡江空倒浸北斗寒蓬窗一派銀河落何當一日風波平安然直向中流行

侯于助

鐵柱當關立相傳是海門只今石出處猶有舊潮痕

周宏祖

獨上孤山最上頭客舟風雨幾時休狂波聲撼蛟龍窟遠樹雲迷杜若洲出水芙蓉浮晚翠沉江鐵柱枕中流相知賴有追陪興裁罷新詩當酒籌

和韻

張 樂

波心孤嶼接雲頭，澎浪探奇興未休。
足踏寶蓮窺上乘，手扶文筆柱中洲。
瓊花瑤草三春色，碧漢清湘萬里流。
今古登臨宗倡和，揮毫何幸借前籌。

坐鄰山亭

孫世禎

江樹靜朝暉，虛亭坐翠微。
水光浮客棹，山色上人衣。
柳景神俱曠，看雲思欲飛。
塵心消已盡，何意葉輕肥。

周 瑞

爲乘秋色盪輕舟，舟比汀鷗一樣遊。
湖水鏡中行，路險雲山晝裏愁。
故人愁夜深，漁火紅猶冷。
霜老人衣白，欲浮不信年年渾。
是客歸來歸去月，盈頭

彭澤縣志

卷之十七

詩

七

玉壺洞

失 名

洞前流水碧如苔，洞口桃花拂面開。
轉頭望斷意不斷，長嘯一聲須再來。

失 名

十里扶筇乘燭過，信知仙洞異凡流。
我來不忍問頭去，恐墜西山紅日頭。

夢遊仙真巖

劉 曉

昨夢捫蘿登峭岵，洞天別豁暢奇哉。
丹爐明滅薪傳火，畫壁依稀翠點苔。
兩個蒼龐定奕局，幾行霓羽絢瑤階。
覺時莫辨身爲我，疑在雲端未下來。

仙真巖漫興

何 顯

仙境何處覓僻壤豁奇觀凌空懸半壁怪石吐青蓮洞中
復有洞窈杳闐風烟清泉石上流洞口白雲闕深巖何迥
絕我輩相往還或云鳴得意我獨生長嘆形勝原無定地
切藉人傳不逢嚴子陵誰識七里灘虎溪無三笑瀑水空
潺湲望古思人傑地靈亦何權仙境連都邑知必挽高賢
奈何生荒谷徒作等閒看我來尋奇勝胷自有睚眦四顧
邑中景頽頽惟孤山此破頭石竅彼挽旣倒瀾書巖并潛
玉相對分靈頑咄哉誰評章此景不入編奇尤成寂寞予
欲發幽緘須臾方就臥山靈揖我前謂君胡激却開浚予
自安我有屠龍技何妨困汗漫我抱和氏璞何須哭荆山
物苦無其質知希我何慚君不見廬阜有誰尋竹影又不
彭澤縣志

卷之十七

詩

哭

見漁郎無處覓桃源我聞此語心重繹醒後自覺顏爲赤
愧予猶是爲名心歸真返璞讓山靈披襟徘徊巖之陰長
歌踏去意氣平

仙真巖

何邦準

幾度仙巖揖斗牛同人攜我快重遊洞中形勝舊時景望
外烟林別樣秋爽饋於今聳寂寂白雲自古去悠悠此間
明有神仙路何事須彌問石頭

周煥奎

尋幽選勝到層巒石罅宏開眼放寬蓮噴瓊漿聲淅淅桃
迷芳徑影珊瑚非關避俗依然靜任是趨交此獨寒想必
真人胎息處仙瑛長徹五雲端

一片玲瓏石芙蓉削不成垂空時作雨入寺渾忘晴上界
煙霞接諸天歲月更紅塵難得到棲息託蓬瀛

楊振

八景全詠

歐際會

讀書巖下草芊芊門立雙峯別一天不釣仁磯江上月肯
聽漁唱畫中船霞流石閣簪花管霧繞瀟箋帶柳烟砥柱
狂瀾千古在何須玉洞挾飛仙

丁燁

雪積雙峯景若何插天瑤柱涌銀波不殊柳岸烟光滿更
似仁磯月色多巖翠紛披冰練綺閣霞掩映粉顏訛謾云
漁逐方溯浪玉洞遊仙衣素羅

彭澤縣志

卷之十七 詩

晁

馬當夾阻風

孔平仲

蒿田荻野無人烟我來日暮雙繫船半夜星斗垂闌干銀
河倒景搖青川人言神物當會合鐵纜纏繞繞安如山五更
洶洶有聲至車騎蹴踏乾坤翻怒雷殷殷兩隨下黑風三
日不見天此中道路多險惡正在馬當小孤之兩間三江
五湖所鍾聚直下無底旁無邊掀騰擺觸作意氣更無拘
束隨所便巨磯突若虎頭出黃沙莽作車輪旋端居不動
尙股栗誰敢身試蛟龍淵白吾汎洛陟淮泗問關淫滯今
半年廬山翠色已在目毋庸急進干憂患不如宿留會澄
澗淹遲有數非偶然筍中酒熟聊一醉春夢酣酣牽書眼

魯望亭有懷

黃庭堅

澤道人高古文章白髮蕭條欲問勒銘遺墨應書水府
鮫綃

馬當欲阻風居人云非五日或七日風不止謂之重

陽信

范成大

拍岸回流逆上磯枯楊折葦靜相依趨墟漁子晨爭渡賽
廟商人晚醉歸重九信來風未愁大千行徧昨俱非羈愁
萬斛從頭數帶眼今秋又減圍

放舟風復不順再泊馬當對岸夾中馬當水府卽小

說所載神助王勃一席清風處也戲題兩絕

禁江上口柏山風三日荒寒繫短篷却憶宮亭湖裏去隨
人南北解分風

彭澤縣志

卷之十七

詩

辛

萬里江隨倦客東馬當山嘴勒孤篷無才解賦珠簾雨誰
肯相賺一席風

馬當山

元 茅元儀

切玉俱留半斜柯獨吐芽江長山有變怪壁揖平沙

明 曾省吾

山形半江出潮勢去來紆阻岸橫雲氣傾崖逼水區空洲
寒戍廢石壁暮禽呼楚客南歸急神風送有無

戴鳳翔

一棹經秋萬里清馬當如夾浪花平峰危漸覺家山異石
險常教宿鷺驚且愧簿書將入政誰憐萍梗度浮生潯陽
矯首樓臺近暫慰悠悠行路情

馬當大風

劉鐸

倒峽羣龍鬪騰空萬馬嘶江神遣巨浪索我笈中詩

馬當磯

國朝歐陽欽崇

險浪輕帆礙上游水高三尺過磯頭濤聲東下山遮斷敢盡江西萬頃流

王原

山險有太行水險有呂梁戒心天隨銘兼之惟馬當江外苞干山衝尾鞭羣羊茲山大如馬信足趨流洋江深多洞湫激迅起且偪三洲殺其勢避走猶羊腸無風阻牽挽風健虞披猖深涉儼為亂歆仄須周防今朝風色正挂席何堂堂擊汰恣流寬緩轡行康莊古諺詫神助語或非荒唐

彭澤縣志

卷之十七

詩

至

馬當帆影

劉曉

今古稱奇險山川迥不同落霞成絕調秋水更無窮別境江流外餘音夜月中從來天下事只在一帆風

舟過馬當二首

袁學謨

扁舟夜靜浪聲稀漁火層層湛露晞輾轉寒衾思魏闕溯洄流水上京畿觀潮已放孤山棹履險曾經馬當磯賴有一天明月曉小星徐傍紫微飛

仰望天高北極輝慶雲見處數峯巍心懸紫閣聞雞起夢冷孤舟帶月歸漫道子安由馬當何庸太白怨牛磯雲山萬疊休言遠一日風帆去似飛

舟泊馬當追懷王子安

張香

推篷遙見馬當青水態雲容客思醒愛士祇今誰地王憐
才終古讓山靈半帆我亦來南浦一序君偏動廣廷幾誦
殘霞孤鶩句烟波渺渺怨飄零

馬當

張京萃

峰巒如組舞奇峭峙江天老鶴巢危磴輕鷗逐渡船水澗
帆影疾波涌柁知權願借神風助長吟秋水篇

馬當有懷湖南親友

曾 畹

早慙驅雷港奔濤激馬當江喧秋氣早水宿火雲長島嶼
吹零雨魚龍混夕陽萬山迎棹入憶遠不歸鄉

自題風送馬當圖

七古

孫士珪

陶公昔賦歸去來辭官且喜櫓常開我來作吏不歸去白

彭澤縣志

卷之十七

詩

七

頭老女鉛華御奔走風塵三十春壯遊氣得江山助輸與
王郎砍地才賦成帝子驚奇句功名至竟誤紅羅才人政
事非無具偶然風送一帆飛萬古江河流此處洞庭一去
真淪落壯士徒傷早不遇江湖浩渺暮雲邊春花秋月煙
緜緜一千年後我與爾狂吟同聳山字肩鸞停鶴舞相在
昔山高水長猶當年感君寫我入圖畫凌雲意氣飄飄然
挂席乘風到此任便是米家書畫船仰看江頭一片石古
月依舊照磯邊千秋萬歲誰復過君之詩圖定與唐時遺
事傳

登馬當磯

七古

孫士珪

奔流直下飛晴雪渴驥攔江吞古月銀蹄踏碎浪花風化

石磯頭豎天骨激湍如箭凌天風子安於此繫青篷夢醒
一夕五百里石馬呼風送才子臨風長嘯問江神王後何
人附驥尾

題孫桐臣少府風送馬當圖

周子莊

舟楫雄才到老忙巨川纜濟此帆樯吹嗟卻笑看風錯不
送瀛洲送馬當

孤篷會記子安開佳話山靈解愛才千百年來無韻事天
風吹下一船來

筆掃千軍命不侯潘汀陸海載虛舟宦途莫說廉泉少水
吸西江第一流

官廨爲家孰結鄰設詩讀畫好同寅乞他再點黃荃筆寫

彭澤縣志

卷之十七

詩

七

上蓬閣問字人

蓬飛難轉強勾留借住張融岸上舟忽聽蘇門衙一嘯醉
中撼卻阻風愁

登雙峯尖

高炳駟

獨上峯巒立乾坤豁大觀山迴彭蠡曲江下海門寬晴色
千家曉天風五月寒九霄如可接高據白雲端

夜過小孤

船頭壓影黑對我髮鬢昏起看雙流劈孤懸一柱澌蕪蘆
砂磧只鐘鼓佛樓燈慚愧家山勝鬪于久未憑

夜渡太湖

乞得花歸去眞宜一葉船無風最清夜旣雨嫩涼天明月

忽在水邊山都化烟菰蒲過來處驚起鷺鷥眠

馬當竹枝詞

參差幽浦聚橋頭中隔橫橋一水流南北兩街春報賽管絃都上綠楊洲

曉梳雲髻自家家黃插春田雨鬢花手挽筠簋過橋去蓮花洲上採芹芽

石頭磯上水容與絲網斜牽夕照初昨日河豚纔下市棟花風裏出鱗魚

照明宮殿如來室暮鼓晨鐘響六時一角青山江上冷瀟瀟風雨子安祠

彭澤舊治懷陶靖節

周洪春

彭澤縣志

卷之十七

詩

舊

大道不偶物峻節不諧俗諄諄勸農詩仁言如菽粟絃歌入十日瀟風及鄉曲督郵呼何人而來相迫促我生沐餘澤遐哉景芳躅

讀書巖懷石尉

公輔不可期小就來江湖民清政亦簡仕也而為儒巖石特峭拔構亭於其隅稽古諧夙願三子與之俱作尉何紛紛高風世已無

馬當山懷王子安

少年賦英姿四傑冠其首執筆為詩歌金鐘隨瓦缶就使無神靈盛名當不朽乃知造物心才優若必偶撫竹起遙思我欲酌樽酒

魯望亭懷天隨

馬當山之麓魯望亭在斯先生隱市里寓此經幾時新京
瀨清茶可以供賦詩鷓鴣水上游可與同忘機精靈倘再
集此亭無險巖

富陽山懷李中白

在山多清泉造屋有嘉樹當時元通子老向山中住結亭
名棲賓記者有深意入世豈不佳此中足真趣嗟哉碌碌
人甘受風塵汗

石浪山房懷喻水部

東郭環青山厥石頗怪誕層疊如春波天風吹不斷水曹
解紉歸就此開吟館閉戶事著書牙籤座間滿如何槿園

彭澤縣志

卷之十七 詩

重

集竟等廣陵散

臙脂夾阻風

李 紱

五日南風吹獵獵怒帆疾走臙脂夾小姑遙望青髻螺一
夕回風故相狎浪頭如屋高崔嵬橫江大艫不敢開野戍
蕭條兩茅屋波濤徹夜喧晴雷渺渺彭郎閭鄉里霧閣雲
窗畫相倚已取宮亭作妝鑑却洗殘紅漲江水好山塞外
誇燕支景陽宮井埋妖姿山川名字亦何有靈風閃颯空
然疑平生縱跡江湖遍帆檣轉眼如飛電此中却憶廿年
遊今日翻為三宿戀披衣起看朝陽江兩厓醉壓春融融
回頭一笑失彭澤長江萬里磨青銅

鳳凰山

劉 曉

鳳凰山色疊秋屏飄渺青冥江水濱石瘦不嫌明月冷峰
高惟與白雲親朝暉遠映千家曉爽氣紛披萬象新氤氳
一天隨變幻亂啼花鳥亦爲春

往潯雨阻鏡子山

凌應治

擬尋陶白泛漁舟欲洗詩腸恰雨留驟瀑驚翻彭蠡雪重
雲浮鎖鏡山樓漫云檣滑難施棹且喜田膏飽飯牛遙望
柴桑梅正熟呼朋煮酒慰心愁

鏡子山

王璽

臨江峭壁破江天曉揭粧臺寶鏡圓不老光磨秋夜雨長
空浚掃暮春烟帆飛蕩漾時留影鳥舞蹁跹幾鬪妍如許
輕塵塵不染高輝直逼斗牛懸

彭澤縣志

卷之十七

詩

美

烽山磯

汪禮耕

孤阜臨江畔磯深浪捲多曲折檣燕半橫斜雨綠
山頭簷春紅石上花幾何處往事遠樹暮雲遮

鳴山

王演疇

層嶂青相合村居此更深松花分濃淡色鳥作短長吟倚石
聽溪水尋僧過竹林悠悠人世事已不入閒心

鳴山庄居

國朝 周易象

敢將詩酒學陶公其奈溪山不厭儂纔倚繩床聞石溜忽
開篷戶見雲峰桑麻共宿尋生計風雨隨人作藥籠此際
閒愁如不掃古人清興與誰同

鳴山卽事

何圖書

處處鳴山路登臨復曠然春風生石壁早雨足山田插杖
其辭者設經不礙禪同人如解意一笑破蒼烟

遊鳴山

時價沽

山空谷應響悠悠鳥語溪邊澗水流苔上有花方笑日洞
中無樹不鳴秋烹茶坐久松風細覽秀行遊竹逕幽問道
支峯誰是主老僧遙指白雲頭

石壁鳴山

丁煒

山山皆靜寂此鳥以鳴傳故風會啼岫牙琴昔操巖金風
吹落木空谷應流泉可是同嵩祝三呼帝萬年

大鳴山

柯友桐

翠微深處坐綢繆一縷名香手自焚洗石烟塵山外雨
彭澤縣志 卷之十七 詩 垂

人心目嶺頭雲洞低每聽泉聲細峰秀時聞草氣芬鎖日
幽閒火不到惟餘清磬與桐君

何顯

奇峯高插白雲低暑習涼風飄我衣踏破蘚苔驚石瘦望
迷暗樓帶烟肥嶺頭呼吸星辰動石上留題墨跡微
有明邑人

寓石壁山

王應昌

半嶺松濤護衡門夏日涼戶高雲隱几山近綠鋪床
來鳥逸遲紅惹蝶忙晝長人易倦風送菱荷香

大鳴山雙井

方松

獨石出山麓山泉開兩泓隆隆然一準直夾以雙

倒葱蒨地幽境愈瑩僧房處其前日給瓶與罌挹之既不竭蓄焉亦不盈源裕出以時深畜體自平對此重徘徊朗然見空明可以濯我纓可以滌我神

又

東井日攜瓶西井置若空東西亦咫尺通室迥不同地脉豈其異此理殊易通造物本無盡搆取自不窮人力實壅棄安恃天之工吾身有聰明日澹日以充一朝自隳廢頓近昧與聾睹此清泠源豁然開愚衷

遊鳴山古寺

何瑾

秋風獵獵自西來簞捲青黃繡一堆曳杖迂行留鴈影提壺爛醉臥莓苔寺藏山色千年秀詩蘊波瀾七步裁屠體彭澤縣志 卷之十七 詩 未嘗緣石磴與地有恨日俄回

吳

白龍巖

劉浚

漫說飛仙海上遊得心何必別尋幽白凝瑤島千年雪冷漫冰壺六月秋怪石迎風來嘯虎高藤捲木起蒼虬石床獨坐渾無事閒看孤雲自去留

寶珠山

凌應台

崑岡有良玉千載重其名何此山一片稱名與之鄰沉沉烟樹綠湛湛水波清曉巖留古貌深遠足團心取路樵子徑巢鳥了無驚細壑渾如夜投石作金聲嘗有仙人跡剖璞謝斧斤探之飄然去去留奚所爭所期言尚卓在不貪良足欽豈曰空手回種種明珠活處來

浩山

凌應台

曲徑行行即浩巔因高極日萬山前霧橫空谷巒浮水雲
過高峯樹起烟坐聽溪聲銀漢近跂看峭壁石舟懸歸來
竟作華陰想願入豐林臥石眠

登大浩山

凌該

一峰海上來盤屈踞萬里挺險走遍東南區森然突兀摩
空起醉中大叫披窮源振衣直上崑崙巔巉巖截徑塞斷
石猛獸奇鬼怒削稱青天雲中隱約見村落絕頂豁曠開
平田舉頭霄漢勢欲近千山萬山浪疊羅峰前作雲忽不
雲形狀不可數無雲峰欲晴有雲峰欲雨應有行雲行雨
人來往虛空人不覩西南瀑布翻驚沙飛巖怒吼傾銀蛇

彭澤縣志

卷之十七 詩

矣

長虹白晝忽飲澗天風暝晦吹霜花兩峽擘屹十萬仞雜
樹顛倒生槎枒暗谷幽林隱荒院鐘鼓無聲峭虛殿夜深
風雨龍虎吟山魃木客時隱見山僧招我菩提棲葡萄綠
泛金罍卮狂呼一飲二千石耳邊惟聞清猿啼伫立白雲
巔羣鷲在天上我更覺天高欲上猶瞻望安得青雲百尺
梯登天一覽元黃萬變之情狀

浩嶺雲峰

周九成

仙跡生成老樹遮其如室邇已人遐朝雲冉冉飛丹井夜
雨瀟瀟洗鑌鉏溪曲忽迷漁父棹山深應返武陵槎幾回
攜杖登高望坐看烟嵐處處斜

正覺寺

宋曾季狸

正覺江邊寺風馬聲盡然庭羅合抱柏門泊釣魚船暮雨
涼初過中秋月正圓無人來共賞獨自占江天

普明寺

明 凌 杞

鳳凰山下梵王家金碧樓臺護紫霞重覓西風舊時跡滿
階杳雨落天花

馮希武

香雨入牕蘭若清風一榻松關世事溪頭綠水禪心江上
青山

何 陽

綠水數間精舍白雲一片奇山龍去峰頭雨霽鳥啼花底
春閑

彭澤縣志

卷之十七

詩

李

定安寺

國朝 劉 續

道傍結屋山之麓不遠紛華不避俗紅塵堆裏一招提何
必深山與窮谷松蓋層層鶴夢清石床冷冷僧睡足嘗言
佛不在西天佛即是心心是佛

夜雨歸寺

僧松石

幾整肩囊別異鄉無情風雨阻行裝客身耐冷緇衣薄旅
夢幽棲枕簟涼白水滔滔流太急青山黯黯路何長陰晴
未卜知明日恨殺茅簷濕滿床

登悟靈寺閣望雨

歐陽鶴齡

古寺卧寒綠遠村生暝烟澗花紅到地池水白連天雨作
不常熱雲深時有泉此牕應不掩松竹壓簷前

峰林山勝蹟庵

劉覽元

落葉滿前路移筇獨有聲
新晴寒鳥出空翠數峯生
茗語泉同澆禪心磬共清
竹溪松塢近選勝任閒行

甘露庵

楊拱泰

菴垂甘露幾經年疆劃都彭兩邑連
彭澤都昌兩邑分界雲鎖檻橋封佛刹
水通厨鉢瀉民田半山踈去疑無路
數里行來別有天自是禪關最勝處
胡麻一飯足仙眠

楊植

密谷一徑危螺旋向甘露有菴松擁雲抱山
長帶雨香積接原泉時堪滌塵腐禪磬數聲清
俗慮歸何許

鳴山古刹

周易象

彭澤縣志

卷之十七

詩

空

山際疑天際寒生六月中
泉流空密竹僧定伴疎桐
苔蘚晉人碣雲烟漢代鐘
最宜秋後影亂點一村紅

宿雲庵

宗元泰

山僧懶似雲不肯出山谷
雲更懶於僧長在庵中宿

凌龍

叩禪禪住白雲窩翠繞青圍
詩料多犬吠花陰知客到
爐烟飛篆煮松蘿

悟靈庵

凌應治

白雲堆裏一聲鐘喚起行人
問路踪愈入愈知幽境好
轉深轉覺雅懷濃朝陽鳳啄門前竹
帶雨龍吟嶺上松山水有情供寄眺
溪邊莫遣綠苔封

悟靈庵樓下龍泉

丁春

聽說招提望鬱林羣峰飛落碧泉深
天花碎灑晴偏雨地脉潛通早亦霖
味入冰壺邀月飲韻敲金石湊詩吟
何時側聽經壇講作結龍翁活潑心

石壁鳴山庵借讀僧舍

何儻

心身安處卽吾廬一識盤阿且定居
有感勞人中夜酒無端役我半床書
鳴喬出谷象看鳥學草臨池墨飽魚
尋得箇中清意味油油緣督最紆餘

宿石壁鳴山庵

何緯

白雲一榻同僧宿清風颭颭暗敲竹
夜靜石壁響流泉疑有雷車鞭空谷
鞭空谷枕上夢回睡未足况復虎嘯
雜鳥

彭澤縣志

卷之十七

詩

奎

啼晨鐘曉徹心頭佛等閒披襟日影寒
長嘯一聲山溪綠

五龍庵

歐明泗

絕嶺鐘聲喚五龍飛泉翠竹韻高春
蒲團坐破香爐燼剩有山雲掛碧松

鷹窠菴

劉俊

鑿石穿雲構一亭高天星斗掛疎楹
遙岑古木和烟老遠谷寒泉帶雨聲

廣福寺

王心約

性僻耽幽境尋芳到上亭錫飛丹井
白松偃梵宮青故客夢中語疎鐘醒
後聽九龍如可訪相與其設經

文孝宮

丁春

梁起建康青宮富才藻推古集徐劉藝圃肆蒐討
書文選光梨棗仁孝根性生聰明資博考古稱餘
翩翩更清矯胡爲感蠟鷺中心疾如憐謝表力疾書
笙吹蓬島遺惠在吾鄉甘霖應祈禱作廟倚鳳山高齋配
食少雷公去思祠故址餘荒草移主祀同龕歲時薦行潦
以此配享公臭味芝蘭好悠悠望古人清風滿懷抱

歐正亨

問山意如何以靜而鎮躁巨靈手自開
屨屨儼天造菴空老僧眠風月潭相告
薄林竹與松清瘦偏兀鼻烟連嶺下
村塵埃淨如掃放眼會真如雲霞供笑傲

歐懋泗

彭澤縣志

卷之十七 詩

三

鎮雲高聳碧天頭四面烟霞一望收
簾外青山山外樹湖中綠水水中舟
風敲瘦竹寒侵月月冷蒼松影繞樓
最是山僧通妙處時時長與白雲遊

北壠庵

劉堂

地僻紅塵斷同人到梵林洗花朝
雨歇護竹夜雲深鉢湛龍常臥
松虛鶴自吟此間清淨意不用向僧尋

饒鞏

結室山之麓山幽路亦曲更無車馬喧
惟有風敲竹

北壠庵迴文

後應治

幽僧伴鶴宿雲間寂寂禪堂靜對山
流水送香花落澗暖風噓翠竹環
關甌盈碧露和烟篆衲補紅霞染
袖斑留客

經入妙悠然自覺夙心閑

遊北壠庵和韻

劉文

不著登山屐焉知有北壠樹深青翠岫泉落水鳴鐘石階
遊人路花裝老衲容步塵今有約入夏許相逢

舜天庵

饒盈

緩步崇林思渺然青環古岫綠環川霞輝石壁珠簾映錦
燦金盆寶鑑懸竹影蕭疎噓晚翠松陰披拂霽朝烟忘機
得共山僧語一榻風清樂舜天

集福寺

歐正亨

鷲嶺飛來卓錫住唐闢叢林開金鑄松竹蒼翳萬古春福
果楊枝集如數平鋪遙望幾家家一鳩一村一徑花樓高

彭澤縣志

卷之十七

寺

曉揖青山入湖天烟水空濛幾處過眼何能留逝者清爐香
燼蒲團下清風明月外真如須傳經說白馬笠西白馬
自南遊了却牽連傷尼年不夜長明燈一盞透出禪心破
被收

凌汝綿

倚山集福寺清韻絕紅塵竹密疑無暑林深別有春碣存
唐氏篆僧是晉時人兩度參禪悟悠然見性真

竹莊山居

丁自發

青青勁節籠窗紗日薄層林影欲斜未到籬邊霜後菊先
開園內雨前茶沒敲个字詩情老醉舞千行墨艷奢獨坐
笑彈人不識茶筠深處是儂家

登百步樓

劉曉

捫蘿梯百步苔色滿衣襟雲疊千巖繡溪流一澗琴磬聲
驚鳥夢竹響空人心只此成幽絕登臨直至今

集賢亭迺文

丁燁

賢羣晤對把情怡兀突亭撐並石奇筵肆王豪賓縱酒句
敲花落葉催詩翻翻舞竹青垂壁倚徙香芹綠滿池天普
暖風春漫爛妍生四座噴蘭芝

題雪心橋

劉日省

君不聞孟女哭夫城崩裂千古芳名因城得如何此橋名
雪心雪心名橋應有說我來橋上問根由一時佳話詳巔
末當日羅敷失所天柏舟共矢共姜節廣施善願渡迷津

彭澤縣志

卷之十七

詩

奎

待雪心懷橋因設遂將此意名此橋借取一泓清皎潔未
來應慮雪心難過去方知心已雪至今人往水空流畢竟
橋消人不滅可憐世上幾多人可憐能有幾個烈長此悠
悠橋上行長此悠悠橋下歇誰人來不由斯橋誰敢橋邊
照顏色

三笑亭

凌龍

社結當年道味融蓮香引透一亭風橋邊寺唱溪成虎竹
下澹呼杖是龍一笑機忘雲壘外聯吟詩暢酒瓢中穆然
想入千山月安得攜樽造上峰

凌鳳

虎溪遁跡有高僧三十年來道念澄風月一亭禪作主詩

詞聯席酒呼朋老僧久耐交情古名菊新催醉興乘送客
那知橋已度浩然一笑問東林

仙人洞

周 監

疑是水川窟還成風月窩夕烟峰外墮秋雨鏡中磨
笛弄相伊小笙吹子音多盤桓經幾刻蒼茫已爛柯

周中規

不是桃源別有天神王鬼琢幾經年半簾春雨重朝露一
縷秋聲走暮烟鐵笛已隨仙轍去山雲猶共鳥飛還長壺
水月應無際搔首峰高岸石懸

遊黃梨洞

戴春龍

不到層巒上安知洞有天晴雲添象跡暖日長蛟涎佛地

彭澤縣志

卷之十七

詩

奕

鶯花笑靈巖竹樹懸我來香阜靜龍適抱珠眠

觀音閣雪佛

歐懋昶

北郭之外抱郭山秀對海門第一關山寂寂弓石迴環勝
六將軍學會般萬里彤雲飄漫蕩雪花飛落層巖上片片
輕盈玉作堆倏爾裝成觀音像光搖銀海何鮮妍夜深頂
上舍利放飛翬告厥成人工補天工鐘磬乍響萬籟空爐
香縹緲一縷通篆破柳烟杳濛濛

觀音洞

集唐

楊 植

大士生天竺

沈佺

期 凌空愛汶寥

孫 邀

香花三洞啓

韋渠

梵釋

五天遙

張 橋

徑隱千重石

李 虹

飛百尺橋

陳子

拂琴鋪野席

徐 品

戀賞未還鑿

李 隔

楊緝組

石肩騰盤輪橫雲以為峻風雨相倚薄日星互蝕孕其陰
塞萬峰其陽勢開掙中穴混沌開九陰破奇勝顛倒現慈
容如涉普陀境欲下任梯雲旁穿搜不竟幽探廢蘭膏鬼
物怖陰鸞咫尺氣象移懾懾嗟倏瞬由來誇洞天選幽更
誰遜

重九日登西山

王榛

羣山四面鎖江城最喜西山雨後晴候是題糕聞葉落人
惟泛酒怯寒生秋容澹蕩烟村闌日脚蒼茫古木平千載
風流推落帽何煩握筆寫新聲

帶水庵題壁

劉韻

彭澤縣志

卷之十七

詩

奎

古刹荒山冷何年錫杖依板橋流水去松蓋落花飛孰說
經三藏長留帶一圍老僧差不俗時掃白雲扉

偕友人遊帶水庵

劉黼

雲鎖精藍萬劫悠馬鞍山下梵宮幽松陰貝葉菩提樹月
透禪關明鏡樓活水環流僧洗鉢長橋怯渡客撐舟晨鐘
暮鼓烟霞裏過柱何須訪十洲

懷社中諸子詩

有小引

听王演疇

跡浮宦海指滿歲星梁向月色盈盈恍疑瞻對社底風
期渺渺終阻晤言未展先憂已垂聚樂抵掌爭傳逐鹿
冥心欲託飛鴻益神憊囂喧游興倦於方朔思賦元寢
遡懷轉向惠施縱設肝胆之時盡微形骸之隨河懸唇

頰斗燦楮毫膠連漆以借堅灌其蘭而投臭奈何
易擲遂爾勝會不常五夜雞聲腸斷聯床風雨千山
色望迷故國松筠當惠州一老秀才何事不了念匡廬
半生知己無日能忘爰命管城紀懷記室青雲待爾
看霄漢之馳白社憐子豫訂歲寒之約恭疏短引載矢

浩歌

結社偕諸子風期盡合簪曾開徵士宅亦做祇陀林塵揮
飛玉屑筆落錯球琳爽藉西山送勝從東郭尋觀山憑阮
屐聽水得牙琴其掬泉爲玉爭探柳是金戴天思煉石瞻
雲悟作霖抵掌中原鹿關情窗下琴龍光時炯炯驥足每
駸駸屈指初年別驚心一紀臨藐矣河山色楚然空谷音

彭澤縣志

卷之十七

詩

矣

更聞鶯出谷猶多鶴在陰死生既已異愁絕固然禁冀北
擬歸宿周南嘆滯淫未須論早暮各自有浮沉仍耽八股
癖不管二毛侵季鷹思去晉司馬尙居潯涉世機緣淺還
山趣味深山靈情繾綣人說氣蕭森石竹芟爲杖巖花插
作簪相看邊初服猶喜濯塵襟脫風霜苦蛩甘歲晚吟
爾無遺下體我特寄遐心巨魚縱大壑倦鳥還故林倏忽
異趨操飽滿各自斟今者徒懷昔來者復如今君去予歸
路循環歎商參

兀忠詩

洪惟幹

元嘯

三十年來冰清士依稀吾里晉陶公囊中不蘊新封物善
學淵明只樸忠

彈丸數里桐難理民空庫空篋亦空糗糧先盡東征去誰
復瞿瞿鑿樸忠

斗城日日望東風乞師四境竟成空父子祖孫兩地絕他
爲孝子我爲忠

世修降表非難事家學津津誦皓公二十八年璫不冷一
進一速總爲忠

青蚨不愛愛裁鴻積有奇書今散空累帙連篇都忘却寥
寥記得一篇忠

寸兵莫借賺營中冠裳危坐任加鋒呼籲知難通帝座魂
飛萬里只孤忠

報主時懷召杜風何期蕞爾遭離窮此日捐軀吾應爾爾
彭澤縣志

卷之十七 詩

堯

僕何烈一死忠

碧血誓濺蚕叢地殘魂豈能叩九重自慙民社殊無補區
區自靖只此忠

爾祖世承元師秩曷爲肆逆廢前功無辜黎庶休殘殺聊
以此語効吾忠

乾隆甲子年邑侯李介石修城工竣誌喜

國朝 歐陽聯

山環水繞舊時城忽覩垣墉一色更百里歡呼歌鞏固萬
民醉舞慶昇平芳徽遠紹三賢跡遺澤長留五柳名紀錄
不知凡幾次我侯特簡有先聲

